


欽定戶部則例

第 四

74

6643

45



24
6643
45



欽定戶部則例卷八十三

蠲卹一

普蠲地賦

普蠲漕賦

永蠲正賦

永蠲雜賦

普免積欠

恩免積欠

蠲免錢糧

同治十三年校刊
戶部則例卷八十三
蠲卹
目錄

699-1242

欽定戶部則例卷八十三

蠲卹一

普蠲地賦

康熙四十九年奉

上諭朕比來省方時邁已閱七省南北人民風俗及日用生計靡不周知而民所以未盡殷阜者良由承平既久戶口日繁地不加增產不加益食用不給理有必然朕洞燭此隱時深軫念爰不靳敷仁用甦民力明年爲康熙五十年原欲將天下錢糧一概蠲免因

廷臣集議恐各處兵餉撥解之際兵民驛遞益致煩
苦細加籌畫悉以奏聞故自明年始於叁年以內通
免一週俾遠近均沾惠澤直隸奉天福建浙江廣東
廣西四川雲南貴州所屬除漕項錢糧外五十年應
徵地畝銀共柒百貳拾貳萬陸千壹百兩有奇應徵
人丁銀共壹百壹拾伍萬壹千兩有奇俱著察明全
免並歷年舊欠共壹百壹拾捌萬伍千肆百兩有奇
亦均著免徵其五十一年五十二年應蠲省分至期
候旨行欽此

康熙五十年奉

上諭朕誕膺大統撫育寰區夙夜孜孜不自暇逸凡以
爲民也勤圖利濟休養安全卽無水旱之虞時布寬
仁之政蠲租除賦務使遐方率土無不均沾或值雨
暘偶愆出帑發粟多方賑卹其有益於吾民者靡弗
備舉而急行之朕慙懃周詳之至意前四十九年所
頒諭旨申晰甚明原欲將五十年天下錢糧通行蠲
免以諸臣集議恐需用兵餉撥解之際兵民驛遞益
致煩苦故自五十年爲始三年之內全免一週除將

直隸奉天等九直省康熙五十年地丁錢糧一概蠲
免及歷年舊欠錢糧一併免徵外山西河南陝西甘
肅湖南湖北各府屬除漕項外五十一年應徵地畝
銀共捌百肆拾萬肆千兩有奇人丁共銀壹百貳拾
萬捌千壹百兩有奇著察明全免並歷年舊欠共銀
伍拾肆萬壹千叁百兩有奇亦俱著免徵其五十二
年應蠲省分至期候旨行民間舊欠既經豁免嗣後
每年額徵錢糧務如數全完儻完不及額或有虧空
託稱民欠卽責令督撫以下官員償補仍從重治罪
該督撫須實心力行期副朕惓惓愛民之意如有指
稱事故侵欺科派事發之口必嚴行究治諭旨到日
徧示城郭鄉村深山窮谷咸使知悉爾部卽遵諭行
欽此

康熙五十一年奉

上諭朕宵旰孜孜勤求民瘼永惟惠下實政無如除賦
蠲租除每歲直省報聞偶有水旱災傷照輕重分數
蠲免正供仍加賑卹外將天下地丁錢糧自康熙五
十年爲始三年之內全免一週使率土黎庶普被恩

膏除將直隸奉天浙江福建廣東廣西四川雲南貴
州及山西河南陝西甘肅湖北湖南各直省康熙五
十年五十一年地丁錢糧一概蠲免累年舊欠錢糧
一併免徵外所有江蘇安徽江西山東各府屬除漕
項外康熙五十二年應徵地畝銀共捌百捌拾貳萬
玖千陸百肆拾肆兩有奇人丁銀共壹百叁萬伍千
叁百貳拾伍兩有奇悉予豁免其累年舊欠銀貳百
肆拾捌萬叁千捌百貳拾捌兩有奇著一併免徵計
三年之內總免過天下地畝人丁新徵舊欠共銀叁

千捌百有陸萬肆千陸百玖拾柒兩有奇各該督撫
務須實心奉行體朕軫念民生至意欽此

乾隆十年奉

上諭我朝

列聖相承深仁厚澤無時不加意培養元元以期家給
人足百年以來薄海內外物阜民康共享昇平之福
朕臨御天下十年於茲撫育蒸黎民依念切躬行儉
約薄賦輕徭孜孜於保治之謨不敢稍有暇逸常守
節用愛人之訓凡以爲民也今寰宇敉寧旣鮮糜費

之端亦無兵役之耗所有解部錢糧原爲八旗官兵及京員俸餉之所需計其所給較之宋時養兵之費猶不及十之一二至於各處工程爲利民之舉者取給於存公銀兩卽朕偶有巡幸賞賚所頒亦屬無幾是以左藏尙有餘積數年來直省偶有水旱朕加恩賑濟多在常格之外如前年江南被水撫綏安插計費帑金千餘萬兩凡此皆因災傷補救而沛恩澤者朕思海宇乂安民氣和樂持盈保泰莫先於足民況天下之財止有此數不聚於上卽散於下仰惟我

皇祖在位六十一年蠲租賜復之詔史不絕書又曾特

頒

諭旨將天下錢糧普免一次我

皇考時食宵衣勤求民瘼無日不下減賦寬徵之令如甘肅一省正賦全行豁免者十有餘年此中外所共知者朕以繼志述事之心際重熙累洽之候欲使海澨山陬一民一物無不均沾大澤爲是特降恩旨將乾隆丙寅年直省應徵錢糧通行蠲免欽此

經大學士等議

奏分作三年扣蠲除蘆課漕項錢糧不在蠲數外計直省地丁錢糧額銀共貳千捌百貳

同治十三年校刊

三

五

拾肆萬兩有奇內直隸奉天江蘇陝西甘肅
 福建四川湖南雲南貴州等十省地丁錢糧
 共銀壹千肆拾貳萬玖百兩有奇於乾隆十
 一年蠲免浙江安徽河南廣東廣西等五省
 地丁錢糧共銀捌百陸拾貳萬柒千叁百兩
 有奇於乾隆十二年蠲免山東山西湖北江
 西等四省地丁錢糧共銀玖百壹拾玖萬貳
 千貳百兩有奇於乾隆十三年蠲免嗣又節
 經欽奉 諭旨甘肅番民糧草一律蠲
 免河東西額屯糧草蠲免三分之一 福
 建臺灣府額徵粟穀拾陸萬石全行豁免
 四川寧遠敘州二府屬建昌鎮標各營應徵
 米石龍安府茂州松潘鎮營所屬番寨折徵
 米石雷波黃螂苗民認納雜糧新撫各土司
 番民認納夷賦銀兩各土司完納本折 貢
 馬等項一律蠲免 湖南乾州鳳凰營承綏
 三廳苗民雜糧共叁百捌拾叁石陸斗城步
 綏寧二縣苗米共伍百叁拾柒石柒斗全行
 蠲免城級地方官田壹千叁百捌拾餘畝蠲
 免田租十分之三 浙江温台府屬玉環山
 海甯縣南大鹽中小鹽開懇田地銀穀一律
 蠲免 直隸固安霸州二防守尉額徵屯糧
 穀石天津葦漁課銀一律蠲免 奉天奉錦
 二府額徵米豆一律蠲免 山西額徵本色
 米石穀麥大同朔平二府全行蠲免太原等
 六府遼沁等八州及歸化城均免十分之三
 河南灘地官莊官地義田租課均免十分
 之三 廣東額徵官租學租及屯田曠軍羨
 餘等項銀錢米穀
 均免十分之一

乾隆三十五年奉

上諭朕寅承不緒撫有萬方申旦求衣無日不以勤卹
 民依為念是以劄農省歲減賦追徵不靳多費帑金

新閩閩共臻康阜溯在乾隆十一年丙寅朕御字周
旬肇敷闡澤曾恭依

皇祖普免天下錢糧恩例蠲除直省額徵正賦貳千捌
百萬兩有奇越在三十一年丙戌際當必世興仁益
惟比戶饒裕是計復下詔將應徵漕米省分照康熙
年例概蠲一次俾各倉箱盈衍倍積耕餘邇年以來
寰宇乂甯民氣和樂惟

上天孚佑我邦家游錫康年頒符綏履朕祇膺

昊蒼鴻眷其可不究澤推仁以與我海內元元答茲

嘉賦我國家席全盛之模內外經費度支有盈無絀府
庫所貯月羨歲增因思天地止此生財之數不在上
卽在下與其多聚左藏無寧使茅簷蔀屋自爲流通
迺者仰紹

列祖貽庥化成熙洽爲民藏富欣際斯辰且今年爲朕
六十誕辰明歲恭逢

聖母八旬萬壽普天怵祝慶洽頻年尤從來史冊所未
有是宜更沛非常之恩以協

天心而彰國慶茲用乘春頒令誕布陽和著自乾隆三

十五年為始將各省應徵錢糧通行蠲免一次其如何分年遞蠲之處著大學士會同該部即速詳議具

奏欽此

經大學士等議奏分作三年扣蠲除蘆課漕項錢糧不在蠲數外計直省地丁錢糧額銀共貳千柒百玖拾肆萬兩有奇內直隸河南安徽湖北湖南貴州雲南等七省地丁錢糧共銀玖百柒拾貳萬肆千肆百兩有奇於三十五年蠲免江蘇江西福建陝西甘肅廣東廣西四川等八省地丁錢糧共銀玖百肆拾玖萬肆千叁百兩有奇於三十六年蠲免奉天山東山西浙江等四省地丁錢糧共銀捌百柒拾貳萬柒千捌百兩有奇於三十七年蠲免又戶部奏准貴州省地丁項下改徵備支兵糧米叁萬叁千陸百石有奇原係地丁款內改徵之項准同地丁銀兩一體蠲免嗣又節經欽奉諭旨湖南乾州鳳凰永

續三廳苗民雜糧貳百捌拾叁石零城步甯二縣苗米伍百柒拾捌石伍斗零一體蠲

免甘肅省應徵番糧草束一體蠲免河東河西屯糧草束蠲免三分之一之壹福建臺灣額

徵粟穀拾陸萬餘石全數蠲免廣東省應徵官租學租及屯田曠軍餘羨等項銀錢米

石蠲免拾分之壹廣西額徵官租學租銀米蠲免拾分之叁四川甯遠敘州二府屬

建昌鎮標各營應徵米豆龍安府茂州松潘鎮營所屬番寨折徵米石雷波黃鵬苗民認

納雜糧各營新撫土司番民認納夷賦及各土司完納本折貢馬等項統行蠲免奉

天省奉錦二府應徵米豆一體蠲免山西省額徵本色米豆穀麥大同朔平二府全行蠲

免太原等六府八州及歸化城各通判所屬均免拾分之叁浙江溫台二府所屬玉環

廳額徵租穀貳萬壹千捌百伍拾餘石海甯縣天漲沙地租銀壹千貳百貳拾餘兩一體

同治十三年校刊

戶部則例卷三

蠲郵

蠲免

乾隆四十二年奉

上諭前因

聖母萬壽特宏錫類之仁普蠲各直省錢糧以昭慶惠

朕本欲俟恭祝

聖母九旬萬壽之年再普恩施一次茲者

仙馭升遐此後更無可推廣

慈仁之處現在部庫帑項又積至柒千餘萬著再加恩

自戊戌年為始普蠲天下錢糧仍分三年輪免俾寰

宇億兆人民仍得共被

慈恩永申感慕而朕終天罔極之忱雖不能仰酬萬一

庶幾藉茲稍展其如何輪派年分著戶部即速悉心

核奏遵行欽此

經戶部議奏除蘆課漕項錢糧不在蠲數外計直省地丁錢糧額銀共貳

千柒百伍拾玖萬兩有奇內直隸江蘇安徽

四川陝西甘肅雲南貴州等八省地丁錢糧

共銀玖百貳拾捌萬有奇於四十四年蠲免

山東江西浙江湖南湖北等五省地丁錢糧

共銀玖百肆拾柒萬陸千兩有奇於四十四

年蠲免奉天并吉林所屬山西河南福建廣

東廣西等六省地丁錢糧共銀捌百捌拾叁

萬柒千兩有奇於四十五年蠲免嗣又節經

欽奉諭旨甘肅應徵番糧草束一體蠲免

烏嚙木齊戶民額徵地糧蠲免叁分之壹
 陝西額徵民屯糧草一體蠲免 奉天額
 徵米豆一體免徵 浙江玉環廳額徵租穀
 貳萬貳千陸百壹拾玖石零海甯州沙地租
 銀貳千伍百陸兩零一體蠲免 湖南乾州
 鳳凰永綏三廳額徵苗民雜糧貳百捌拾叁
 石叁斗零城步綏寧額徵苗米伍百柒拾捌
 石伍斗零一體蠲免 福建臺灣府屬額徵
 粟穀壹拾陸萬餘石全行蠲免 廣東省應
 徵官租學租屯田曠軍餘羨等項銀錢米石
 蠲免拾分之壹 山西太原遼州等十六府
 州并歸化城應徵本色清水河等廳并太僕
 寺牧廠地畝應徵折色均蠲免拾分之叁大
 同朔平二府及豐甯二廳和林格爾等處應
 輸折色並莊頭退出招種地
 租銀兩均一體全行蠲免

乾隆五十五年元旦奉

上諭朕賴

昊蒼眷佑既逾古稀欣開八秩幸得小康時懷大惕自

乾隆十年以迄四十二年特布恩綸普免天下錢糧

業經三次矣今歲屆朕八旬壽辰仰荷

天

祖貽庥率土稱慶以至梯航重譯祝嘏來庭從古史牒

實所罕觀是宜廣宣湛闡敷錫兆民用叶崇禧以答

嘉貺著將乾隆五十五年各直省應徵錢糧通行蠲免

其如何按年輸蠲之處著大學士會同戶部即速核

同治三年校刊

戶部則例卷之三 蠲卹

十

奏遵行欽此

經大學士公阿桂等會同戶部議奏除
 蘆課漕項錢糧不在蠲數外其應蠲地
 丁錢糧請於乾隆五十六年為始按照各直
 省實在額徵銀數將所屬之各府直隸州次
 第均勻搭配分作叁次按年輪免每年應免
 叁分之壹仍照上叁屆普免之例統計叁年
 一律蠲完行令各該督撫等查明應免錢糧
 先儘五十四年之災緩各府州作為首次蠲
 免分別銀數造冊按年具題嗣據各督撫奏
 報計各直省地丁錢糧共貳千柒百柒拾餘
 萬兩內五十六年蠲免銀玖百伍拾萬肆千
 餘兩五十七年蠲免銀玖百肆萬玖千餘兩
 五十八年蠲免銀玖百肆萬陸千餘兩
 嗣又節經欽奉 諭旨浙江玉環廳應
 徵租穀貳萬貳千餘石海寧州沙地租銀貳
 千捌百餘兩一體蠲免 福建臺灣府應徵
 供粟分作三年輪免官莊租息銀兩蠲免拾
 分之叁 烏嚕木齊戶民額徵地糧柒萬石

蠲免叁分之壹 山西太原遼州等十六府
 州並歸化城應徵本色清水河等廳并太僕
 寺牧廠地畝應徵折色均免拾分之叁大同
 朔平二府及豐寧二廳和林格爾等處應輸
 折色並莊頭退出招種地租銀兩一體蠲免
 西藏所屬三十九部落應交 貢馬折價銀
 叁百玖拾餘兩一體寬免 湖南乾州鳳凰
 永綏三廳並城步綏寧二縣額徵苗民雜糧
 捌百陸拾壹石玖斗叁升一律隨同地丁分
 年輪豁 陝西應徵本色起存並學租共糧
 貳拾萬伍百壹拾伍石草壹萬伍千陸百
 叁拾伍束棉花肆拾玖筋零一體蠲免

乾隆六十年奉

上諭朕臨御以來勤求民隱日有孜孜惟期藏富於民

家給人足仰荷

吳蒼眷佑

列聖貽庥寰宇昇平重熙累洽行慶施惠闔澤頻加節

經普免天下漕糧參次地丁錢糧肆次其餘遇有偏

災隨時蠲賑不下千萬億兩近將各省積欠錢糧概

行蠲免又復數千餘萬兩所以子惠元元休養生息

者至周且渥今朕紀年慶符週甲丙辰元旦舉行歸

政典禮為嗣皇帝登極初元大廷授受篤祐延釐實

為曠古吉祥盛事允宜廣沛恩綸俾溥海羣黎共霑

湛愷本欲於新正傳位降旨但思二月間即屆開徵

之期恐遠省接奉稍遲即將嘉慶元年各直省應徵

地丁錢糧通行蠲免以示朕與嗣皇帝愛育闔閭同

錫恩施至意其如何按年輪免之處該部查照向例

核議具奏施行欽此

經臣部議奏除蘆課漕項錢糧不在蠲數外其餘蠲地丁錢糧

請以嘉慶元年為始按照各直省實在額徵銀數將所屬之各府直隸州次第均勻搭配分作參次按年輪免每年應免參分之壹仍照上參居普免之例統計三年一律蠲免行令各該督撫查明應免錢糧先儘乾隆六十年之災緩各府州作為首次蠲免等因嗣後各該督撫陸續題報計各直省地丁錢糧共銀貳千柒百陸拾肆萬壹千玖百餘兩內嘉慶元年蠲免銀玖百陸拾陸萬壹千柒百柒拾餘兩貳年蠲免銀玖百肆拾陸萬壹千伍

同治三年癸

戶部則例卷三

七

百陸拾餘兩參年蠲免銀捌百伍拾壹萬捌
 千陸百餘兩 山西省清水河豐鎮二廳額
 徵折色銀兩太原等府並口外各廳額徵本
 色糧石遵照上次 恩旨蠲免參分
 林格爾豐鎮清水河寧遠四廳額徵地租草
 折銀兩大同朔平二府額徵本色糧石遵照
 上次 恩旨全行蠲免仍分參年輪免
 貴州省改徵本色米石亦於三年輪免一
 次 陝西省額徵民屯本色起存學租糧石
 草束棉花欽奉 恩旨一律蠲免仍分
 作參年輪免一次 四川省龍安雅州敘州
 寧遠茂州松潘建昌永定等府州及各鎮營
 屬應徵夷糧米石折徵銀兩以及本折 貢
 馬懋功等五屯應徵雜糧遵照上屆普免之
 例准其蠲免仍按附入坐落府分輪免又各
 土司參年壹次 貢馬匹在其於輪免之
 年蠲免一次 福建省臺灣府應徵供粟遵
 照上屆 恩旨輪免 雲南省官莊書

院義學等項在官租石蠲賦之年向係免參
 徵案全免地丁銀兩扣存歸公此次准其照
 舊辦理 直隸省口北熱河二道屬額徵地
 糧准其照上屆普免之例一體蠲免 甘肅
 省徵收草糧及番民糧草欽奉 諭
 旨全行蠲免屯糧草束蠲免拾分之伍

普蠲漕賦

康熙三十年奉

上諭河南一省連歲秋成未獲豐稔非沛特恩蠲免恐致生計艱難康熙三十一年錢糧著通行蠲免並漕糧亦著停徵欽此

康熙三十年奉

上諭朕撫御區宇三十年以來夙夜圖維惟以愛育蒼生俾咸臻安阜為念比歲各省額徵錢糧業已次第蠲豁其歲運漕米向來未經議免朕時切軫懷所有

同治十三年校刊

蠲

一

京通各倉米穀樽節支給數載於茲今觀近年儲積之粟恰足供用應將起運漕糧逐省蠲免以紓民力除河南省明歲漕糧已頒諭免徵外湖廣江西浙江江蘇安徽山東應輸漕米自康熙三十一年爲始以次各蠲壹年至江寧京口杭州荊州大兵駐防地方亦應預行積貯著將康熙三十一年起運三十年漕米各截留拾萬石存貯倉廩以備需用欽此

乾隆三十一年奉

上諭朕統御萬方孜孜求治惟以愛育黎元爲念自御

極以來蠲賜所逮不下千億萬乾隆十年曾恭依

皇祖普免直省錢糧恩例蠲除天下額徵正賦貳千捌百萬有奇期民家給人足咸臻樂利惟歲運漕米向以供給俸餉廩糈之用非水旱特蠲例不普免夫八政以食爲先閭閻蓋藏尤資饒裕恭閱

皇祖實錄康熙三十年

特頒恩旨將各省起運漕糧通行蠲免一週大澤均沾慶逾常格仰維

皇祖冲齡踐阼臨御之三十年春秋未及四十朕年二

十有五始登大寶曆禋受祉迄今已閱三十年際重
熙累洽之會必世昌期均符泰運其為慶幸倍深茲
荷蒙

上天眷佑

列祖鴻庥函夏寧謐疆宇式闢北庭西域二萬餘里咸
隸版圖外有耕屯之獲內無餽餉之勞且連歲年穀
順成庶物豐殖京通倉儲儘有餘粟

天既誕貽樂歲惠洽昇平朕自當仰體

天心以推恩黎庶是用敬承

班懇繼

前蒙使溥海億兆並裕倉箱之慶所有湖廣江西浙江

江蘇安徽河南山東應輸漕米著照康熙年間之例

於乾隆三十一年為始按年分省通行蠲免一次其

江甯京口杭州荊州等處駐防地方該省漕米既蠲

所有估需兵食如何預為籌辦并各該省蠲免次第

應行酌辦各事宜著該部速行定議具奏欽此

經部議奉

乾隆三十一年免山東河南二省三十二年
免江蘇省三十三年免江西省三十四年免
浙江省三十五年免安徽省三十六年免
南省三十七年免湖北省其各省隨漕等項

錢米仍舊徵收以供停運丁船減半本折月
 糧之用又江蘇浙江二省白糧一項河南山
 東二省黑豆麥石二項亦隨免漕年分一體
 蠲免嗣奉 恩旨辦漕各省有徵收折
 色者及戶民輸銀官為辦漕者一體概予蠲
 免 又經改議奏准將江蘇之松江太倉常
 州揚州徐州海州六府州屬於乾隆三十二
 年蠲免江甯蘇州鎮江淮安通州五府州屬
 於三十三年蠲免江西之南昌饒州南康廣
 信四府屬於三十三年蠲免瑞州臨江吉安
 撫州建昌贛州六府屬於三十四年蠲免浙
 江之杭州湖州二府屬於三十四年蠲免嘉
 興府屬於三十五年蠲免原議三十六年輪
 免之湖南省改為三十三年蠲免原議三十
 七年輪免之湖北省
 改為三十四年蠲免

乾隆四十三年奉

上諭大學士管兩江總督高晉閩浙總督楊景素等合
 詞陳奏以江浙臣民望幸甚殷且河工海塘皆冀親
 臨指示懇請於庚子春再舉南巡盛典以懷輿情一
 摺朕於乙酉南巡回鑾時因耆孺攀戀情殷曾許以
 翠華再蒞然敬念

聖母皇太后春秋已高難以再奉

安輿長途遠涉遂諭江浙大吏不必更以南巡為請而
 江鄉士庶愛戴依戀之情狀未嘗不往來於懷距今
 已十有四年其瞻望悃忱自益肫切且自前巡閱定

五壩水誌以爲展拓清口之準下河從此遂免水災
嗣聞黃河倒漾所繫甚重因酌定挑濬陶莊引河面
諭薩載籌辦河成而清黃交匯處移遠清口不復有
倒灌之患但下游尚有停淤亦不可不除其流弊而
一切善後事宜若非臨蒞閱視究不能悉其實在情
形至浙省海塘近來潮勢漸趨北岸深爲憂念亦不
可不親爲相度機宜今高晉等既有此奏著照所請
於乾隆四十五年正月諏吉啟鑾巡幸江浙便道親
閱河工海塘所有各處行宮座落俱就舊有規模畧
加葺治毋得踵事增華致滋煩費至該督等以庚子
年適逢朕七旬萬壽欲就近舉行慶典則斷不可朕
本意以庚子年爲朕七旬慶辰越歲辛丑卽恭逢

聖母九旬萬壽斯則敷天同慶自當臚歡祝

嘏以抒萬姓惻忱今旣不能遂朕初願尚復何心爲已
稱慶况朕蹕途所經老幼歡迎扶攜恐後未嘗不顧
而樂之若經棚戲臺侈陳燈綵點綴紛華飾爲衢歌
巷舞深所不取且非所以深體朕意也不特江浙臣
民不當爲祝釐之舉卽凡內外大小臣工於朕七旬

萬壽時亦均不得請行慶典以及進貢獻詩若伊等
為欲藉以申其尊敬之誠是轉增朕心之不悅倘得
謂之忠愛乎但天下士民遇朕七旬萬壽皆不免望
恩倖澤此則情理之常朕亦何肯因不舉行慶典併
靳恩施乎著於己亥年八月舉行恩科鄉試庚子年
三月舉行恩科會試以彰壽考作人之盛至各省漕
糧於乾隆三十一年普免一次茲蒙

吳蒼眷佑累洽重熙朕敬體

天心愛養億兆用是再沛恩膏著於庚子年為始復行

普免天下漕糧一次俾藏富於民共享盈寧之福所
謂歛福錫民慶莫大焉其開科事宜著交禮部查例
辦理其各省漕糧應如何分年輪免之處著交戶部
詳悉妥議具奏將此通諭中外知之欽此

經戶部議奏乾隆四

十五年免河南省并江蘇之江寧蘇州揚州
徐州淮安五府屬四十六年免山東省并江
蘇之松江常州鎮江太倉海州通州六府州
屬四十七年免浙江之杭州湖州二府屬四
十八年免折江之嘉興府屬四十九年免安
徽省五十年免湖南省并江西之南昌饒州
南康廣信四府屬五十一年免湖北省并江
西之瑞州臨江吉安撫州建昌贛州六府屬
其各省隨漕等項銀米仍舊徵收以供停運
丁船減半月糧之用至各省情形不同一切

條規均令循照三十一年辦理其漕糧款內
例徵折色及民戶輸銀官為辦漕之項三十
一年欽奉
特恩蠲免此次亦請遵辦
嗣經河南巡撫改議奏准河南省漕糧於四
十四年
蠲免

乾隆五十九年奉

上諭朕臨御天下五十九年仰蒙

昊蒼眷佑

列聖貽庥溥海昇平梯航向化重熙累洽惟日孜孜無
時不以敬

天勤民為念行慶施惠錫祐延禧普免漕糧三次地丁

錢糧四次而偶遇水旱偏裨隨時蠲租賜復賑貸兼

施不下帑金數千萬兩所以涵養生息子愛黎元至

周且渥茲紹膺統緒明歲正屆六十年粵稽史冊前

代帝王享國長久者未可多得即有一二或係冲齡

踐阼用能多歷年所朕則春秋二十有五始卽位誕

膺大寶迄今八旬開四康強逢吉五代同堂景運增

隆寰瀛寧謐享國之年幸周甲子壽祚延洪實為古

今罕觀之盛事此皆上蒙

昊貺駢蕃克膺備福朕於感荷之餘彌深兢業早經欽

天監推算六十年元旦日食上元月食古來史傳所載有日食修德日食修刑之說固因

上天垂象理宜修省其實君人之道於德刑二事平日本宜刻深競勵亦何待日月薄蝕始懷寅戒之心應天以實不以文與其託諸空言寧若見諸行事之實修德莫大於愛民若覃敷恩澤加惠閭閻俾海宇子民共臻樂利則所謂修德孰大於是所有六十年各省應徵漕糧著再加恩普免一次其應如何分年輪免之處仍著該部核議具奏至以修刑而論則停免勾到卽所以卹刑但赦非善政利於宵小而不利於善良昔人卽有此論明年係六十年國慶後歲丙辰爲嗣皇帝卽位元年俱應錫慶施仁矜卹刑獄若今年停勾則三年連緩羣民恃有寬政作奸犯科者無所儆畏轉非辟以止辟之意是以本年仍照舊勾到明年元旦著照五十一年之例不御殿不受朝賀是日午後向有諸王暨皇子皇孫等內庭家宴之例五十二年元旦日食復圓後曾經舉行明歲究係六十年週甲年分所有內庭家宴亦著一併停止舉行朕

於是日亦不御禮服照每年例恭詣

奉先殿

堂子及

先師各等處行禮時御龍袍貂褂將屆日食時卽換常服以示寅恭而寓修省日月薄蝕躔度本屬有定數千百年後皆可推算而得所謂千歲之日至可坐而致但元旦上元適值日月虧蝕究爲

昊穹示儆之象幸

天恩垂佑適在明歲爲朕卽位週年告成之年自應祇承無斃設在丙辰正月則爲嗣皇帝卽位之元於吉祥盛事轉爲未嫌是卽日月薄蝕一事而

上天之篤祐朕躬以貽我子孫萬年無疆之庥者至優至厚朕惟有益感

天恩倍深乾惕又明年乙丑爲朕臨御六十年本欲於萬壽節前由熱河回京受賀今春因中外臣工懇請舉行慶典適以上冬雪澤未獲優沾春間又復缺雨業經降旨宣諭令將明年慶典停止舉行若仍照庚戌年八旬之例於萬壽前回京則王公外藩以及大

小臣工等必又再四懇請舉行慶典則似朕今春所降諭旨轉為不誠是以明年仍定於熱河駐蹕過萬壽後再行回鑾俟至丙辰正月歸政嗣皇帝以符正月上日受終文祖之義彼時備儀授受盛典光照嗣皇帝率領臣民以天下養介禮祝嘏慶洽敷天尤為千古罕觀盛事實我大清億萬載無疆之福也將

此通諭知之欽此 經臣部議奏將八省漕糧自乾隆六十年為始分作伍年輪免第壹

年免山東安徽二省第貳年免河南湖北湖南叁省第叁年免江蘇壹省第肆年免浙江壹省第伍年免江西壹省至漕糧款內有例

奉旨一體概予蠲免此次亦應仍行遵照辦理其各省隨漕等項銀米仍照額徵收以供停運丁船支給日糧之用嗣據倉場侍郎宜興等奏准請於乾隆六十年免山東安徽湖北湖南四省嘉慶元年免江蘇省之松江常州鎮江太倉海州通州六府州屬並河南一省嘉慶二年免江蘇省之江甯蘇州揚州徐州淮安等五府屬嘉慶三年免浙江一省嘉慶四年免江西一省

永蠲正賦

康熙六十一年奉

上諭聞陝西甘肅二屬各州縣衛所地丁銀每錢額外徵收參釐米每斗額外徵收參合以為備荒之用此項徒有加賦之名而無賑濟之實著自雍正元年為始額外徵收銀米永行停止欽此

雍正三年管理戶部事務怡親王奏請酌減蘇

松二府浮糧奉

上諭覽管理戶部事務怡親王所奏具見勤求民隱為

同治十三年校刊

戶部具奏卷之三

三

國推恩之意正應戶部辦理之事蘇松之浮糧當日
部臣從未陳奏常廩

皇考聖懷朕體

皇考愛民寬賦之盛心准將蘇州府正額銀蠲免叁拾
萬兩松江府正額銀蠲免拾伍萬兩論語曰百姓足
君孰與不足周易曰損上益下民悅無疆朕但願百
姓之足時存益下之懷用是特沛恩膏著爲定例俾
黎民輕其賦稅官吏易於催科可飭令該地方知之

欽此

雍正五年奉

上諭各省中賦稅最多者莫如江南之蘇松二府浙江
之嘉湖二府每府多至數十萬地方百姓未免難於
輸將查蘇松嘉湖賦稅加重之由蓋始於明初洪武
時四府之人爲張士誠固守故平定之後藉諸富民
之田以爲官田按私租爲歲額夫負固之罪在士誠
一人而乃歸咎於百姓加其賦稅此洪武之刻政也
明朝二百餘年減復不一我朝定鼎以來亦照明例
徵收蓋因陸續辦理軍需經費所在未便遽然裁減

也我

皇考聖祖仁皇帝常諭及此雍正三年朕仰體

皇考多年寬賦之

聖心將蘇松二府額徵浮糧豁免彼時頒發諭旨甚明
本欲一體加恩於嘉湖二府因浙江風俗澆漓正須
化導不使啟其望恩倖澤之心故爾暫止今見浙俗
漸次轉移將來可望改行遷善朕心深慰特沛恩膏
查嘉興府額徵銀肆拾柒萬貳千玖百餘兩著減拾
分之壹計免銀肆萬柒千貳百玖拾兩零湖州府額
徵銀叁拾玖萬玖千玖百餘兩著減拾分之壹計免
銀叁萬玖千玖百玖拾兩零二府共免銀捌萬柒千
貳百兩零永著爲例著該督撫督率有司敬謹奉行
以副朕蠲賦卹民之至意欽此

雍正十三年十二月奉

上諭朕聞淮安府阜甯縣所屬射陽湖地方雍正五年
經齊蘇勒題陞淤地捌千壹百餘頃陞租銀肆千餘
兩又康熙五十九年查丈射陽湖北岸地灘案內有
民人周士孔楊景希陞地肆百餘頃應陞銀壹百柒

拾兩俱係有糧無地小民賠累難堪是以向來積欠
纍纍從未清完今各項舊欠雖已蠲免然將來新賦
無出勢必仍行追比甚屬累民著將前項陸地捌千
陸百伍拾頃肆拾玖畝零租銀肆千貳百陸拾壹兩
零俱行豁除以甦民困該部卽遵諭行欽此

雍正十三年十二月奉

上諭山西大同偏關老營水泉三汛兵丁交納糶銀向
在餉銀內扣交每年徵銀陸百捌拾兩有奇自乾隆
元年爲始將此項蠲除永著爲例欽此

乾隆元年奉

上諭朕聞江南淮安府屬之桃源縣徐州府屬之宿遷
縣睢甯縣濱臨黃河沿河地畝淹涸靡常雍正五年
因朱家口潰決之水復循故道其舊淹田地始得涸
出而河臣爲地棍所欺遂以此地爲新淤之腴產睢
甯縣報陸地伍千叁拾玖頃宿遷縣報陸地肆千柒
拾貳頃桃源縣報陸地叁千捌百肆拾貳頃嗣蒙

皇考世宗憲皇帝勤求民隱特頒

諭旨以淤地勘報不實令河臣會同督臣委員查勘共

豁地共千貳百餘頃萬民感頌所有存留地伍千柒百餘頃俱照各縣成例折算實地叁千伍百餘頃科則亦經減輕其潼安一衛裁汰改歸州縣徵收乃比年以來應納錢糧仍催徵不前蓋此淤出之地畝卽舊有之糧田是以民力維艱輸將不繼也朕以愛養百姓爲心旣洞悉其中情事自當加恩開除以紓民力著將宿遷睢甯桃源三縣現存新淤涸復改科地糧二額徵銀陸千伍百肆兩全行豁免其雍正十三年淤地未完錢糧亦免徵收至水沉地畝仍照例歸於每年冬勘該部卽遵諭行欽此

乾隆元年奉

上諭朕聞康熙五十七年甘肅伏羌通渭秦安會甯等州縣及岷州衛有地震缺額丁銀著該督察明卽行豁除欽此

乾隆元年奉

上諭朕御極以來仰體

皇考聖心時時以愛養百姓爲念前訪聞得豫省濱河兩岸堤壓柳佔地畝及鄭州鹽碱地畝每歲應徵額

賦小民輸納維艱已降諭旨悉予蠲免以紓民力繼
又聞得尙有鹽礮飛沙河埝水佔地無可耕糧仍賠
納之處隨又降旨令該撫詳確查勘覈實奏聞今據
巡撫富德奏稱遵旨派委府州有司查得祥符杞縣
海川中牟滎澤陽武封邱蘭陽儀封鄆陵汜水偃師
鞏縣孟津宜陽嵩縣登封內黃新鄉延津濬縣滑縣
孟縣原武濟源武陟淮甯襄城長葛禹州密縣南陽
新野裕州葉縣信陽州汝州魯山郟縣寶豐伊陽商
城等四十二州縣或因飛沙堆積不堪佈種或因水
勢冲刷埝入中流或因淹浸日久變成鹽礮盡屬不
毛或因外高內低水無去路積爲波澤共地貳千叁
拾餘頃計該糧銀共玖千捌百柒拾玖兩零漕米共
叁百貳石玖斗捌升零朕思任土作貢國有常經其
欺隱地畝者自當治以應得之罪若田土荒棄無地
有糧則當速沛恩膏以解閭閻之困豫省荒廢地畝
旣據該撫確查奏聞著照所查之數造冊報部將額
賦永遠豁除以副朕惠鮮懷保之至意欽此

乾隆元年奉

上諭朕聞廣東有屯糧羨餘一項原係衛所官弁徵收每正糧壹石收穀叁肆石不等除正米撥支兵糧外餘穀悉係衛所官弁侵蝕入己嗣經該督撫查出題報歸公留備賑糶之用但屯田額糧本重於民田今以壹石之糧徵收至叁肆石屯民其何以堪又聞各省軍田額糧較之民地亦重從前軍田畝數原多嗣後漸次清釐田主亦屢經更易而糧仍輸舊額自屬苦累大學士等可寄信各該督撫詳加確查將如何定額徵收並革除額外加徵之處密議請旨欽此

乾隆元年奉

上諭貴州等處苗衆歸順之初收入版圖使得沾濡德澤共享昇平之福原非利其土地民人爲開拓疆圉之舉也因思苗人納糧一事正額雖少而徵之於官收之於吏其間經手重疊恐煩雜之費或轉多於正額亦未可知惟有將正賦悉行豁除使苗民與胥吏終歲無交涉之處則彼此各安本分雖欲生事滋擾其釁無由用是特頒諭旨著總督張廣泗出示曉諭將古州等處新設錢糧盡行豁免永不徵收欽此

乾隆元年奉

上諭任士作貢按則科徵賦稅之重輕惟視地畝之肥瘠朕聞江南崑山新陽二縣有沿江濱湖地畝雖不類於版荒坳沒而蘆葦藁蕪不堪樹藝或地處低窪十載九荒乃原編科則時分晰未清竟有以下產而而貢上賦者以致小民輸納維艱終歸逋欠曾經前任撫臣委員察勘未會上聞著巡撫顧琮確查詳核將如何釐正科則裁減浮糧以紓民困副朕愛養黎元之意悉心妥議具奏欽此

經該撫題准崑山新陽二縣草灘蘆葦瘠荒低

窪田蕩共壹千肆百伍拾柒頃壹拾壹畝有奇共減銀柒千貳百壹拾肆兩柒分有奇米麥豆壹萬肆千肆百玖拾肆石伍升有奇

乾隆元年奉

上諭朕聞浙省屯糧向來每石徵銀壹兩因兵丁輸納維艱於康熙年間特恩減免改徵銀伍錢伍釐計算每畝徵銀捌分有零彼時維嚴州一所遺漏開報未經查明減免每畝仍徵銀貳錢壹分伍釐查杭州前右二衛屯田與嚴所地方相距咫尺每畝止徵銀壹錢貳分捌釐零而嚴所地上比通省較薄賦額則比

通省較重實屬偏枯所當酌量變通使一體均沾恩澤者為此特頒諭旨將嚴所屯糧循照杭州前右二需科則徵收以紓軍力其應豁減銀若干著大學士嵇曾筠確查報部永著為例欽此

經該督咨准嚴州所原額田地壹百伍拾壹頃捌拾陸畝貳分共減銀壹千零百貳拾壹兩玖分貳釐肆毫有奇

乾隆元年奉

上諭粵西舊有軍屯田畝當日原係給與各屯兵領耕不與民田一例編徵四等項是以糧額重於民田其他州縣偏重之數無多又無別項差徭民間尚不致於苦累惟武緣一縣所徵糧額較之下則民田每畝多出銀貳錢貳分未免過重小民輸納維艱著該撫將武緣縣軍田舊額酌減每畝定以壹錢徵收永著為例欽此

乾隆元年奉

上諭湖北丁隨糧派一案前蒙

皇考疊沛恩膏多方調劑減免以除閭閻之累其江夏等十九州縣攤納之重丁原經廷議俟有陞科丁銀可以漸次攤抵則輸納可得其平今朕聞得原墾之

荒頗多不實則攤抵之期一時難必念此十九州縣獨受重丁之苦輸納維艱朕心深爲軫卹今仰體

皇考子惠元元之

聖心將江夏等十九州縣未經攤減之丁銀捌千叁百零捌兩自乾隆二年爲始全行豁免著該部行文史貽直鍾保卽遵諭行欽此

乾隆二年奉

上諭各省屯糧科則輕重不一朕聞山西所屬太谷祁縣徐溝清源交城朔州馬邑左雲右玉偏關等十州

縣之屯糧有較之民田過重者有同一屯地而徵糧之本折多寡不同者有同一科則而額糧之重輕相去懸殊者念此屯民皆吾赤子若地瘠糧重未免輸納維艱著該撫石麟轉飭各州縣有司秉公確查各就原額糧則之重者酌量裁減具題請旨俾輕重各得其宜輸納不致竭蹶以示朕愛養屯民之至意欽此

經該撫題准太谷等十州縣各色屯田并更名田共壹千肆百頃捌拾叁畝有奇共減糧貳千捌百玖拾柒石玖升零銀肆拾兩柒錢壹分有奇

乾隆二年奉

上諭朕因外省軍田糧額輕重不等年來留心訪察聞
浙江溫州衛現徵屯田叁百壹拾貳頃每畝額徵銀
壹錢柒分零台州衛現徵屯田貳百貳拾頃每畝額
徵銀壹錢肆分零比本地民田較重丁民輸納未免
艱難查杭州前右二衛科則均係壹錢貳分捌釐溫
台二衛屯田著照此例盡一徵收永著爲例俾沿海
丁民受減賦之益該部卽遵諭行欽此

乾隆二年奉

恩詔松蘇浮糧前已蒙

世宗憲皇帝特降諭旨裁免肆拾伍萬兩以紓民力但
江省糧額尙有浮多之處著再加恩免額徵銀貳拾
萬兩該督撫確查詳核務使均勻俾民得沾實惠欽
此

乾隆二年奉

上諭朕前因各省軍屯額糧過重密諭各省督撫確查
今據尹繼善奏稱滇省軍丁一項從前未經攤入地
畝原議俟查有欺隱軍屯田地陸續抵補每丁自貳
錢捌分至陸錢貳分不等共應納銀壹萬伍千叁百

捌拾兩內除自雍正四年至十一年抵去銀叁千餘兩外尚有應徵丁銀壹萬貳千貳百柒拾餘兩歷年惟按冊載老丁名字徵收或已無寸土而追比無休或已絕後嗣而波及同伍等語滇省軍丁一項從前既未曾攤入地畝而現在完納丁銀之人又係無田之戶邊地屯民未免輸納維艱深可憫恤著將應徵軍丁銀壹萬貳千貳百柒拾餘兩自乾隆三年爲始概予豁免俾無業屯民永釋苦累該督撫等卽通行曉諭務使均沾實惠以副朕加惠邊氓之至意欽此

乾隆二年奉

上諭朕聞浙江嚴州府屬桐廬縣有官抄秋租二項額徵條銀較之民產科則多至叁伍倍不等前代相沿事隔久遠不知起於何時而此項田土多屬瘠薄又因賦重輸納維艱每至催徵逋逃相繼甚可憫念查此二項原徵銀柒百玖拾玖兩若依民產科則共應減銀伍百捌拾壹兩零著該部卽行又與大學士稽會筠從戊午年爲始減去浮多之數照民產一例徵收俾小民均沾實惠欽此

乾隆二十二年奉

上諭朕聞雲南昆明縣有老丁田地一項原係督撫兩
標牧放營馬之區坐落省會昆海之濱本屬草澤嗣
因沙壅土淤漸成可墾之地節年以來定爲額收租
米壹千伍百陸拾捌石除完納稅糧條編並給發老
丁口糧共需米玖百貳拾叁石外尙餘米陸百肆拾
肆石從前題報歸公遵行在案但此額租數目乃照
豐收之年科定者而地處海濱土壤確瘠若遇水大
歉收之時則小民完納甚艱可爲軫念除老丁米石
並糧條仍應照舊完納外其歸公米陸百肆拾肆石
零著該督撫查明永行豁免俾租額減輕民力寬裕
卽從乾隆二十二年爲始該部可遵諭速行欽此

乾隆二十二年奉

諭朕思惠養斯民之道以輕徭薄賦爲先凡各省田
糧偶有些微偏重之處悉已陸續查明豁免以紓民
力今查得安徽所屬懷遠衛軍田拾叁頃每畝徵銀
捌分捌釐零又田貳頃每畝徵銀陸分貳釐零較之
民田未免稍重著照蒙城縣民田之例每畝徵銀貳

分壹釐零共免銀玖拾捌兩捌錢柒分又武平衛軍田伍千貳百玖拾壹頃每畝加徵銀柒釐叁毫零除現在請禁衛田之私典等事案內每畝應留贍運銀壹釐柒毫外每畝著減去加徵銀伍釐伍毫零共免銀貳千玖百陸拾貳兩陸錢伍分該部卽遵諭行文該督撫從乾隆三年爲始永著爲例欽此

乾隆三年奉

上諭朕聞雲南麗江府原係土府於雍正二年間改設流官比時清查田地戶口時有土官莊奴院奴等類

共貳千叁百肆拾肆名伊等並無田糧皆願自納丁銀以比於齊民每名編爲壹丁每年納銀陸分陸釐共徵丁銀壹百伍拾肆兩柒錢零迨滇省民丁改爲隨糧派納而此項夷丁不得與有糧之戶一例攤派至今照舊徵收其中不無貧乏之家艱於輸納者著該督撫查明概與豁免俾邊地夷民永無催科之擾該部卽遵諭行欽此

乾隆五年奉

上諭朕聞滇省鶴慶府城及所轄之觀音山於前明時

分設驛站後因驛站裁革驛馬分給驛丁將觀音山編爲叁拾馬頭每馬人丁拾柒丁每丁歲徵銀伍錢肆分在城驛站編爲貳拾馬頭每馬人丁伍拾陸丁每丁歲徵銀貳錢伍分共徵驛站丁銀伍百伍拾玖兩有零至今相沿每歲交納而窮丁無力輸將以致官役代爲賠補前經地方官將自首額外條編并折徵稅秋銀陸拾貳兩玖錢抵充外其餘仍屬無著朕念此等歲無出產之民徒以先世貽累賠納丁銀情殊堪憫嗣後將此項應徵銀兩悉行豁免以示嘉惠邊氓之至意欽此

乾隆十一年奉

上諭直隸慶雲縣土瘠民貧連年荒歉朕心深爲軫念多方籌畫蠲賑頻施以甦民困惟是該縣當積歉之後一時元氣難以驟復必須大沛恩膏俾小民永沾實惠著將慶雲縣每年額徵地丁銀兩蠲免十分之二三永著爲例欽此

乾隆十六年奉

上諭朕聞常州府屬之武進陽湖二縣開抵役田租銀

壹項原係前明時虛田領價後因本戶逃亡株連親族各將已產開抵實非前明原置之田亦非當日領價之戶小民條糧役租力難並輸以致積年拖欠朕省方所至民隱勤求清問既周倍深軫念著將武進陽湖二縣開抵役田除應辦條漕仍照民田一例完納外其新舊租銀概予豁免以除民累凡爾百姓尚其承樂利各相勉於孝弟力田以仰副朕格外加恩之意焉欽此

乾隆二十二年奉

上諭山東武定府屬之海豐縣地處海濱其東北鄉之黎敬等五莊尤為低窪易澇以致積欠較多朕心深為軫念著將該縣乾隆十一年至二十年積欠叁千伍百餘兩加恩概予豁免至該處地既瘠薄若仍用舊則恐輸納維艱未免重困民力勢必復多逋欠著該撫遴委妥員勘明窪下地畝其糧稅並照下則徵收所有不敷糧額銀兩按數開除俾沿海窮民得以盡力耕耘以副朕加惠黎元至意欽此

經該撫題准該縣更名黎敬等五莊原成熟有糧地肆百肆拾捌頃肆拾肆畝有奇照依下則科算共減除不敷額

同治十三年校刊

三都則例卷八十三

獨郵

七

糧銀捌百伍拾貳
兩伍錢柒釐有奇

乾隆二十九年奉

上諭和其表奏請將移駐張家口旗兵所遺餘糧撥運
大同綠旗各營一摺此項米豆從前原係綠營支食
後因右衛安設駐防是以改支折色今既經移駐餘
糧自應仍行撥還著照所請將餘存之米豆壹萬陸
千柒百餘石自明歲爲始無論有閏無閏按照各營
兵丁原食之數均勻分撥就近支食至摺內所稱餘
剩豆壹千肆百餘石此時既無所需用並著照依定
價改徵折色以紓民力再從前額徵之運腳耗糧二
項本以解往右衛交倉而設今撥還綠營既可就近
支領所有原徵之運腳耗糧概行免其輸納副朕體
卹邊氓至意欽此

嘉慶七年奉

上諭上年直隸被水各州縣節經降旨加恩分別蠲免
錢糧內文安縣一縣被水尤重復經降旨令陳大文
實力查勘嗣據陳大文奏該縣在河間大城之下游
四面環堤形如釜底不獨河水泛溢爲災卽雨水稍

多常被淹浸查該縣全境叁百陸拾村莊內蘇橋等伍拾壹村莊名為大窪乾隆三十八年曾經欽奉

恩旨將此窪地視積水之多寡定糧賦之等差歷經遵辦在案等語文安縣地勢窪下土瘠民貧殊堪憫念上年及本年應徵錢糧俱全行蠲免外嗣後該縣叁百陸拾村莊每年額徵地糧著加恩照慶雲縣之例豁免拾分之叁永著為令內大窪伍拾壹村莊地糧應徵柒成銀兩仍按年查勘視積水之大小分別減免該督等仍當隨時疏濬不致積澇為患以副朕軫念災區敷錫春祺至意該部知道欽此

嘉慶二十四年奉

上諭成格奏晉省缺額丁銀請捐廉歸款一摺岢嵐保

卽土著多遷徙以致丁銀缺額攤賠滋累該撫奏請在通省養廉內每年照數攤捐殊可不必國家惠愛黎元既知小民瘠苦情形豈尙計及錙銖徵收缺額之賦所有岢嵐州缺額銀壹千伍百捌兩零保德州缺額銀柒百壹拾柒兩零著卽加恩按年豁免以

示朕勤恤民瘼至意該部知道欽此

同治五年奉

上諭戶部奏遵議豁免嘉善縣攤賠銀米一摺浙江嘉善縣丈缺地畝銀米向在丈實田地內按畝均攤補額百姓歷年攤賠久形苦累現值兵災之後閭閻元氣至今未復若將丈缺田畝攤賠銀米概行徵收民力恐益形拮据加恩著照所請所有嘉善縣丈缺田畝應攤徵銀叁千玖百陸拾餘兩米叁千貳百伍拾餘石著一併永遠豁免等因欽此

嗣據浙江巡撫咨原文缺額田二百三十四頃六十六畝六分一釐又地四頃三十三畝三分九釐共丈缺田地二百三十九頃

一山西右玉縣額徵丁耗銀內豁除銀柒百叁拾兩玖錢肆分伍毫平魯縣額徵丁耗銀內

豁除銀伍百肆拾貳兩叁錢玖釐陸毫其豁除銀兩自道光六年為始於銅本生息銀內提出歸補並撥還右玉縣坐支不敷銀貳百貳拾陸兩叁錢伍分玖釐伍毫

一浙江台州衛屯田津租銀內兩次水災坍塌銀玖百捌兩零又餘租正耗銀內兩次水災

冊豁銀叁拾伍兩零因沙淤石積年久力難
墾復准將額租餘租內冊缺銀玖百肆拾叁
兩零永遠豁除

永蠲雜賦

康熙六十一年奉

上諭京師琉璃亮瓦兩廠官地每月按間計櫟徵租相
沿已久朕念兩廠多係流寓賃住揭本經營之民情
可憫嗣後止徵地租免其按間計櫟逐月輸納欽
此

雍正十三年十一月奉

上諭朕聞東省泰山有碧霞靈應宮凡民人進香者俱
在泰安州衙門輸納香稅每名輸銀壹錢肆分通年

戶部則例卷八十三
約計萬金若無力輸納者卽不許登山入廟此例起
自前明迄今未革朕思小民進香禱神應聽其意不
必收取稅銀嗣後將香稅一項永行蠲除如進香人
民有願施香錢者各隨願力不得計較多寡亦祇許
本山道人收存以資修葺祠廟山路等費不許官吏
經手絲毫染指永著爲例該撫卽通行曉諭知之特
諭欽此

雍正十三年十二月奉

上諭江南太平縣雜派江去河蓬錢糧永行免納欽此

乾隆元年奉

上諭聞江南長江一帶向有貢獻鱗魚之例至康熙年
間停止因而地方改爲折價向網戶徵收解充地方
公用乃歷年旣久遂致沿江捕魚之人代受追呼之
累著該督撫查明豁免永著爲例欽此

乾隆元年奉

上諭廣東山海輿區貧民多以捕魚爲業各縣俱有額
徵漁課爲數無多相沿已久後因歸善縣不肖知縣
私取陋規加於額徵拾數倍遂經撫臣定議加增漁

三官例卷八十三
四
稅壹千餘兩作為盈餘而海豐惠來潮陽三縣亦倣
照加增海豐縣則增至肆千餘兩惠來縣增至伍百
兩潮陽縣增至柒百餘兩朕思粵東山多田少小民
生計艱辛故以捕魚為養贍之計今他縣漁租皆仍
舊額而歸善等四縣獨徵收加重恐漁民輸納維艱
非國家愛養黎元之意著將四縣加增之數悉予豁
免仍照原額徵收其捕魚小船尤不應在輸稅之內

欽此

乾隆元年奉

上諭粵東有埠租一項亦民間自收之微利前經地方
官通查歸公為湊修圍基之費夫圍基既動公項銀
兩修築則埠租一項亦著一體免徵以免閭閻之煩
擾該督撫可轉飭有司實力奉行毋使奸胥地棍借
端私取致窮民不得均沾實惠欽此

乾隆元年奉

上諭山東泰安州香稅朕已降旨豁免近聞湖北太和
山凡遠近進香者亦有香稅一項小民虔禮神明止
應聽其自便不宜徵收香稅以滋擾累所有太和山

戶部具例卷之三
香稅著照秦安州之例永行豁免該督撫卽飭令地方官實力奉行毋使奸胥土棍巧取滋弊欽此

乾隆二年奉

上諭江南黃運兩河堤工之上向有民人蓋房居住者曾經河臣等議令拆毀遷移以防作踐旋以小民安土重遷止令移去險要工所之房屋其餘仍舊存留此國家體恤貧民之恩澤也查各堤所有民房俱無額徵租稅惟高郵寶應江都甘泉山陽五州縣每年有應徵銀叁百捌拾餘兩其間拖欠不完者往往有之朕念此等葑屋茅簷非有力之家可比若留此輸公之項雖爲數無多而追呼不免且恐有胥役借端苛索之弊用是特頒諭旨將此項租銀永行停止並將歷年拖欠未清之數悉予豁免惟是上下堤工乃河渠之保障理宜加意慎重以固河防除現在已成房屋無礙堤工者免其遷移外將來不許再有增添如有違禁增添者卽行驅逐治罪並將徇縱容隱之官弁分別議處欽此

乾隆五年奉

上諭朕聞江省歲額錢糧地丁漕項蘆課雜糧之外又有名為雜辦者不在地丁項下編徵仍入地丁項下彙作分數奏銷其款目甚多沿自前明迄今賦役全書止編應解之款未開出辦原委即有開載出辦之處亦未編定如何徵收則例於是有缺額累官者有徵收累民者有累在官而因以及民者有累在民而因以及官者種種不一朕心軫念特頒諭旨除有款可徵積久相安無累官民之項仍照舊徵解但須查明則例立定章程明白曉示以杜浮收隱混等弊其實在缺額有累官民者著總督楊超曾巡撫徐士林詳確查明請旨豁免以示朕嘉惠地方之至意欽此

乾隆八年奉

上諭朕聞浙江溫台二洋為漁船採捕之所從前玉環未經展復以前凡漁船在洋採捕者汛兵需索陋規無異私稅後因展復玉環該地方官惟恐經費無出遂將陋規改收塗稅以資經費之不足此一時權宜之計也而每年所委微末員弁丁役人等往往借端苛索上司查察難周不無苦累朕思濱海邊氓以海

爲田每歲出沒於風濤之中捕魚以餬其口生計淡
薄應加賑卹況自玉環展復以來地方所有錢糧已
敷公事之用無庸更收塗稅著將此項永遠革除免
致不肖官弁丁役苛刻需索擾累貧民該部卽行文
該督撫知之欽此

乾隆十一年奉

上諭廣東瓊州府屬有應徵牛薪等項稅銀肆千貳百
餘兩據該督撫查奏此項稅銀內有無著銀壹千柒
百餘兩實係畸零小戶難以照舊派徵等語朕思牛
薪等項稅銀雖載在全書例應徵納今旣查明此內
有無著銀兩若按額徵輸民力未免拮据著將廣東
瓊州所屬應徵牛薪等稅內無著銀兩加恩永行豁
免俾邊海貧民不致有迫呼之擾該部卽遵諭行欽
此

乾隆四十九年奉

上諭朕翠華南幸周諮民隱渥澤覃敷蘇州藩司所屬
地丁漕項公田餘租等款久積銀糧業經概予蠲除
因思吳縣公田已與民田一律交納條銀漕米並加

徵義租嗣因該縣有積年無著田糧復於公田徵收
餘租米貳千貳百貳拾餘石抵補無著虛糧柒百餘
石外尚餘米壹千肆百餘石留爲該縣地方公用歷
年均有拖欠民力未免拮据自應特沛恩施俾閭閻
永資樂利所有該縣無著田糧除照舊於此項餘租
徵收抵補其留備地方公用應徵米壹千肆百餘石
著加恩永免徵收以示省歛惠民有加無已之至意
該部卽遵諭行欽此

普蠲積欠

乾隆五十九年奉

上諭前因六十年乙卯元旦日食上元月食雖薄蝕躔
度可以預行推測所謂千歲日至可坐而致但稽古
史傳所載遇有日食月食等事往往下詔求言以示
修省朕思

上天垂象固宜戒慎而應天以實不以文與其託諸空
言孰若施諸實政前已降旨普免天下應徵漕糧俾
海宇子民共臻樂利今思各省尚有積年民欠及因

災帶緩未完銀穀俱應按限徵輸者小民究因官欠未清未得遂其含哺之樂朕仰邀

昊眷在位六十年寰宇寧謐景運增隆丙辰年即屆歸政今若於朕臨御之年覃敷恩賚俾小民積年欠項廓然一清得以戶慶盈寧共遊化宇所謂修德愛民孰大於是而修刑亦概於是矣以此上應

垂象感召休和實屬吉祥盛事所有各省節年正耗民欠因災緩徵帶徵銀穀著各督撫詳晰查明按照該省所屬之某州某縣實欠在民銀穀若干速行開單

具奏到日降旨豁免並著先將此旨謄黃宣示俾鄉村鎮市咸使周知得以共沾實惠官吏胥役等無從影射侵冒以副朕子惠黎元敷錫延禧俾普天羣黎無一負欠者喜孰大於是該部即遵諭行欽此

陸績奏到奉天旗地積欠租銀陸千叁百壹拾捌兩零米玖千貳百叁石伍斗零 直隸省積年民欠未完銀貳百玖拾貳萬柒千貳百壹拾兩零倉糧壹百貳拾肆萬叁千壹百肆拾柒石伍斗伍升貳合零草肆萬貳千伍百肆拾陸束零制錢柒百玖拾陸千肆百捌拾陸文 山東省節年民欠未完銀肆百柒拾壹萬捌千肆百柒兩零米穀等項伍拾萬肆千貳百石零 河南省積年民欠未完銀叁百萬玖千伍百捌拾柒兩零米麥穀豆陸

拾陸萬捌千陸百參拾伍石零	江蘇省節
年民欠未完銀壹百貳拾貳萬伍千壹百玖	
拾玖兩零米豆等項肆拾伍萬玖千貳百柒	
拾伍石零	安徽省節年民欠未完銀壹百
參拾伍萬伍千肆百柒拾陸兩零米麥穀豆	
拾伍萬貳千玖百貳拾伍石零	江西省節
年民欠未完銀玖萬捌千玖百肆拾捌兩零	
穀壹萬參千貳百參拾貳石零	福建省節
年民欠未完銀捌拾壹萬玖千壹百餘兩	
浙江省民欠未完銀伍拾伍萬玖千壹百玖	
拾伍兩零米陸千參百肆拾壹石零	湖北
省節年民欠未完銀參拾伍萬陸千捌百伍	
拾玖兩零倉穀柒萬玖千貳百壹拾陸石零	
陝西省節年民欠未完銀伍拾萬伍千參	
百柒拾玖兩零糧肆拾柒萬壹千貳百伍石	
零	甘肅省節年民欠未完銀貳拾捌萬貳
千捌百伍拾肆兩零糧壹百貳拾萬參千壹	
百捌拾石零草壹百柒拾伍萬參千柒百肆	

拾陸萬 廣東省節年民欠未完銀柒萬貳
 千貳百壹拾捌兩零米壹萬捌千捌拾貳石
 零 以上續奉
 恩旨全行豁免

乾隆六十年奉

上諭前經降旨普免天下積欠令各督撫查明具奏節
 據各督撫等查奏各省未完節年地耗正糧等項共
 銀壹千柒百拾餘萬兩糧穀豆等項參百柒拾伍萬
 餘石俱已加恩全行豁免內奉天山西四川湖南貴
 州廣西等省向俱年清年款並無積欠朕臨御六十
 年普免錢糧四次漕糧三次其餘水旱偏災蠲賑兼

施所費帑金不下億萬所以藏富閭閻爲小民謀生計者無微不至此等年清年款省分小民踴躍急公輸將恐後今轉以並無積欠未得一體邀恩不足以昭平允所有奉天山西四川湖南貴州廣西向無積欠六省俱著加恩於下年正賦寬免拾分之貳該督撫等務宜董率所屬均勻減免酌定章程報部查核以副朕闡澤頻施有加無已至意欽此

嘉慶四年奉

上諭現屆長至

園丘大祀

高宗純皇帝

升配禮成後自應仰推

皇考恩慈用敷惠闔因思乾隆六十年以前各省積欠緩徵地丁耗羨及民欠籽種口糧漕糧銀兩並積欠緩徵民借米穀草束等項現在應徵者尙復不少著該部通行各省詳悉查明將以上各款自乾隆六十年以前普行豁免俾寰宇羣黎同霑

遺澤於乾隆年間逋欠銀米等項永免追呼用仰副

皇考六十年來子惠元元至意即將此二條入於

升配恩詔款內欽此 嗣據各該省陸續題報除並無積欠省分外直隸省豁免銀捌萬參

千參百捌拾兩零穀貳萬玖千捌拾柒石貳

斗零米捌百伍拾柒石零 江蘇省豁免銀

貳拾參萬柒拾柒兩糧貳千參百壹拾石參

升錢貳拾玖千參百陸拾柒文 安徽省豁免

免銀壹拾陸萬伍千陸百柒拾玖兩零糧貳

萬參百肆拾柒石零 山東省豁免銀貳拾

參萬伍千玖百陸兩玖錢零 河南省豁免

銀參拾捌萬壹千壹百參拾參兩壹錢零糧

捌萬柒千參百伍拾參石陸斗柒升零 陝

西省豁免銀捌萬貳拾壹兩伍錢零糧參拾

參萬柒千玖百捌拾柒石零 甘肅省豁免

銀參萬玖千伍百拾伍兩零糧壹拾萬肆千

玖百伍拾肆石零草陸拾陸萬貳千陸拾陸

兩壹分貳釐糧參千肆百壹拾伍石柒斗肆

升零 廣東省豁免銀伍千陸百肆拾伍兩

貳錢零米伍百肆石參斗壹升零 豁免各

省漕倉項下銀陸萬貳千參百兩陸錢零漕

糧貳萬壹千肆拾柒石貳斗零

嘉慶十四年奉

恩詔從前各省偏災地方所有借給貧民籽種口糧牛

具等項查明實係力不能完者著予豁免欽此 嗣據

陸續題報除並無積欠省分外 盛京豁免

糧肆百肆拾伍石 黑龍江豁免銀貳萬玖

千壹百參拾壹兩柒錢零口糧參拾萬肆百

陸石伍斗零 直隸省豁免銀壹萬柒千參

百伍拾肆兩陸錢零糧伍萬參千伍百壹拾

壹石捌斗柒升玖合零 江蘇省豁免銀肆

同治三年校刊

蜀郵

萬貳千壹拾壹兩零糧壹萬肆千玖百貳拾壹石零	安徽省豁免銀伍拾伍萬壹千捌百拾伍兩零	江西省豁免糧壹萬伍千壹百壹石零	山東省豁免銀伍萬柒千玖百壹拾捌兩貳錢零糧肆萬陸千伍百肆拾叁石壹斗貳升零	兩淮竈戶豁免銀壹萬柒千貳百貳拾玖兩伍錢零	河南省豁免銀肆萬柒千捌拾貳兩捌錢陸分零糧壹萬捌千貳百壹拾叁石伍斗肆升零	湖北省豁免銀壹萬玖百貳拾貳兩肆錢貳分零糧叁千肆百貳拾壹石陸斗肆升零	湖南省豁免銀壹千捌拾柒兩叁錢伍分零	陝西省豁免銀叁萬伍千玖百壹拾捌兩貳錢零糧壹拾壹萬貳千柒百伍拾伍石玖升玖合零	甘肅省豁免銀貳拾壹萬柒千陸百兩壹錢零糧壹百捌萬叁千陸百陸石玖斗壹升
----------------------	--------------------	-----------------	-------------------------------------	----------------------	-------------------------------------	-----------------------------------	-------------------	---------------------------------------	-----------------------------------

嘉慶二十三年奉

上諭嘉慶二十四年為朕六旬正壽宜先蠲除積逋俾

小民戶免追呼共享含哺之樂所有各省節年正耗

民欠及因災緩徵帶徵銀數著各督撫詳晰查明按

照該省所屬之某州某縣實欠在民銀穀若干速行

開單具奏以次降旨豁免並著先將此旨謄黃宣示

城鄉村鎮咸使聞知俾官吏胥役無從影射侵欺以

期膏澤下究用副朕惠鮮懷保仁壽斯民至意該部

即遵諭行欽此

嗣據各省陸續奏到盛京節年民欠銀玖萬玖百柒拾餘兩糧貳萬捌

千石草貳拾萬束 奉天節年民欠銀肆萬
 參千參拾兩零糧叁萬陸千柒百捌拾伍石
 零 吉林三姓官莊壯丁兵丁未完倉穀捌
 千柒百石 黑龍江齊哈爾墨爾根布特
 哈等處兵丁未完銀伍萬肆千捌百捌拾捌
 兩糧拾貳萬貳千捌拾叁石零 直隸省民
 欠銀壹百貳萬玖千伍百伍拾貳兩零糧肆
 萬柒千玖百貳拾陸石草壹千陸百束零
 山東省民欠銀叁百伍拾陸萬陸千捌百陸
 拾貳兩零糧壹拾萬陸百壹拾叁石玖牙零
 山西省民欠銀壹萬壹千壹拾壹兩零糧
 壹拾肆萬玖千捌百柒石零 河南省民欠
 銀貳百壹拾貳萬伍千肆百伍拾玖兩糧壹
 拾肆萬柒百壹拾陸石零 江蘇省民欠銀
 肆百陸拾玖萬貳千玖百陸拾捌兩零糧壹
 百陸萬陸千伍百肆拾伍石零 安徽省民
 欠銀肆百伍拾伍萬伍百肆拾兩零糧肆拾
 伍萬捌千玖百柒拾玖石零 江西省民欠

銀拾貳萬捌千貳拾柒兩零 福建省民欠
 銀貳百壹萬伍千陸百陸拾捌兩零糧叁拾
 壹萬捌千叁拾柒石零 浙江省民欠銀柒
 拾萬壹千貳百貳兩零糧壹千捌百柒拾捌
 石 湖北省民欠銀壹百陸拾柒萬玖千壹
 百叁拾捌兩零糧陸萬伍千陸百柒拾貳石
 零 湖南省民欠銀柒萬陸千柒百玖拾叁
 兩零糧壹拾叁萬玖千叁百捌拾捌石零草
 壹萬壹千柒百捌拾肆束 甘肅省民欠銀
 肆拾玖萬伍千伍百玖拾貳兩零糧壹百捌
 拾貳萬肆千貳百柒拾伍石零草壹千貳百
 肆萬捌千壹百壹拾柒束 廣東省民欠銀壹
 拾壹萬陸千伍百柒拾伍兩零糧柒萬叁千
 捌百肆拾捌石零 廣西省民欠銀叁萬肆
 千肆百叁拾叁兩零 雲南省民欠銀柒千
 壹百壹拾柒兩零糧壹萬肆千肆百捌石零
 以上共銀貳千壹百肆拾壹萬玖千捌百
 貳拾伍兩糧肆百伍拾玖萬柒千陸百陸拾

恩旨全行豁免四川
貴州二省並無民欠奉
旨蠲免正賦
拾分
之貳

道光十五年奉

上諭朕寅承丕緒撫馭萬方旰食宵衣無日不以勤恤
民依為念十五年中劬農重穀減賦停徵疊沛恩綸
覃敷閭澤所願四海烝黎家給人足共享昇平之福
因思各省民欠錢糧自嘉慶年間蠲免以後迄今又
閱十餘年矣比歲以來仰蒙

慈佑慶協綏豐民氣和樂本年恭逢

聖母皇太后六旬萬壽欽惟

慈禧光被歡洽敷天允宜申錫無疆普蠲逋賦所有各
省節年正耗民欠錢糧及因災緩徵帶徵銀穀並借
給籽種口糧牛具及漕項蘆課學租雜稅等項即著
各該督撫將軍府尹等將道光十年以前實欠在民
者詳悉查明按照該省所屬之某州某縣銀穀若干
速行開單具奏候朕以次降旨全行豁免並著先將
此旨謄黃宣示城鄉村鎮咸使聞知俾官吏胥役無
從影射侵欺以期膏澤下究用副朕錫羨延

釐普惠寰區至意該部即遵諭行欽此

嗣據各督撫奏到廣東四川雲

南貴州四省並無積欠謹按覈准各省豁款

纂輯入例以備稽考查盛京節年民欠銀

陸萬玖千玖百捌拾壹兩零糧豆壹千叁百

貳拾貳石零草陸百伍拾貳束奉天省節

年民欠糧貳千陸百肆拾玖石零吉林三

姓官莊壯丁未完銀捌百貳拾肆兩零糧壹

萬陸千捌百捌拾肆石零齊齊哈爾黑龍

江墨爾根布特哈等處兵丁未完銀玖萬玖

千陸百柒拾柒兩零糧拾陸萬叁千捌百叁

拾陸石零直隸省節年民欠銀肆拾柒萬

貳千陸百貳拾捌兩零竈課銀貳千叁百陸

兩零糧豆陸萬壹千貳百柒拾柒石零山

東省節年民欠銀貳百捌拾萬叁千肆百捌

拾壹兩零竈課銀肆千貳百柒拾陸兩糧壹

萬伍千肆百玖拾陸石山西省節年民欠

銀肆千柒百捌拾叁兩零糧豆陸萬陸千壹

百伍拾貳石零河南省節年民欠銀壹百

柒萬伍千壹百陸拾叁兩零糧豆肆萬壹千

壹百玖拾伍石零江蘇省節年民欠銀伍

百伍拾叁萬肆千肆拾玖兩零竈課銀叁拾

同治十三年校刊

獨郵

零 湖南省節年民欠銀陸千陸百陸拾叁兩零糧柴千叁百肆拾叁石零 陝西省節年民欠糧叁萬伍千叁百玖拾叁石零 甘肅省節年民欠銀拾貳萬陸千陸百拾柒兩零糧柒拾肆萬陸千玖百捌拾貳石零草叁百叁拾柒萬捌千玖百陸拾叁束 廣西省節年民欠銀叁萬玖千陸百捌拾陸兩零以上均奉 恩旨全行豁免

道光二十五年奉

上諭朕勤求民隱子惠元元自御極以來蠲賦緩徵恩膏疊沛所願人安樂利戶裕蓋藏俾閭閻日臻康阜因念各省民欠錢糧自道光十五年降旨蠲免後計期已逾十稔本年恭逢

聖母皇太后七旬萬壽海寓乂安民物豐裕允宜推廣

慈恩覃敷闡澤用昭錫類之仁所有各省節年正耗民欠錢糧及因災緩徵帶徵銀穀並借給籽種口糧牛具及漕項蘆課學租雜稅等項著各該督撫將軍府尹等將道光二十年以前實欠在民者詳細查明該省所屬某州某縣銀數若干速行開單具奏候朕降旨全行豁免並著先將此旨刊刻謄黃遍行曉諭務使城市村鄉咸喻朝廷德意毋使官吏胥役等延擱侵漁致滋弊竇期吾民休養生息孝弟力田比戶可

封催科不擾用副朕延

釐篤祐申錫無疆至意該部即遵諭行欽此
副據各督撫奏到四

川雲南貴州三省並無積欠其安徽省應豁
款數尚有未符俟登覆到日再行續纂外謹
將覈准各省豁款纂輯入例以備稽考查
盛京節年民欠銀拾壹萬伍千捌百拾陸兩
零米壹萬柒千伍百叁拾柒石零 奉天省
節年民欠米豆肆千叁百拾柒石零 吉林
三姓官莊壯丁未完公義二倉穀壹千柒百
肆拾石 齊齊哈爾黑龍江墨爾根布特哈
等處兵丁未完糧玖萬柒千捌百叁拾五石
零銀拾萬陸千柒百捌拾肆兩零 直隸省
節年民欠銀玖萬肆千叁百拾貳兩零 甯遠
銀陸千陸百貳拾陸兩零 糧豆陸萬壹千捌
百玖拾玖石零 旗租銀壹千柒百玖拾壹兩
零 山東省 甯遠銀伍千捌百捌拾兩零 糧

玖萬壹千捌百叁拾壹石零 節年民欠銀貳
百陸拾壹萬伍千柒百陸兩零 穀貳萬陸千
肆百叁拾伍石零 山西省 節年民欠銀壹
萬伍千陸百肆拾捌兩零 米麥豆穀拾貳萬
伍千陸拾玖石零 河南省 節年民欠銀叁
百拾貳萬貳千陸百玖拾玖兩零 穀伍萬捌
千伍百肆拾玖石零 漕項銀捌千壹百叁拾
肆兩零 漕糧米麥豆貳萬伍千叁百伍拾肆
石零 江蘇省 節年民欠銀肆百貳萬玖千
玖百拾柒兩零 米豆穀貳拾捌萬陸百叁拾
壹石零 漕項銀貳百拾貳萬叁千伍拾肆兩
零 米麥豆叁百肆拾伍萬壹千叁百叁拾石
零 甯遠銀叁拾貳萬陸千肆百肆拾肆兩零
江西省 節年民欠銀壹百貳拾玖萬壹千
貳百伍拾兩零 穀拾壹萬柒千壹百陸拾伍
石零 福建省 節年民欠銀壹百伍拾玖萬
貳千伍百伍拾叁兩零 米穀拾伍萬捌千柒
百肆拾捌石零 甯遠銀肆萬捌千柒百貳拾

同治十三年校刊

壹兩零 浙江省節年民欠銀柒拾玖萬肆
千叁百肆拾肆兩零錢貳萬柒千捌百捌拾
叁串米貳萬叁千肆百陸拾伍石零漕糧壹
萬玖千壹百貳拾柒石零竈課銀肆萬玖千
貳百拾貳兩零 湖北省節年民欠銀叁百
捌拾玖萬叁千柒百叁拾叁兩零米伍拾萬
柒千玖拾石零漕糧貳拾陸萬伍千肆百叁
拾陸石零 湖南省節年民欠銀貳拾萬叁
千陸百伍拾叁兩零穀捌千玖百伍石零漕
糧捌千柒百伍拾肆石零 陝西省節年民
欠銀陸千玖百貳拾捌兩零米叁拾陸石糧
貳萬壹千伍百肆拾貳石零草壹萬肆千伍
百叁拾柒束零 甘肅省節年民欠銀陸拾
叁萬伍千玖百叁拾陸兩零糧壹百貳拾陸
萬肆百捌拾陸石零草柒百捌萬伍千叁拾
伍束零 廣東省節年民欠銀陸百拾貳兩
零米叁千拾陸石零 廣西省節年民欠銀
貳萬陸千叁百拾陸兩零以上均奉

恩旨全
行豁免

咸豐元年奉

上諭朕寅承丕緒撫馭萬方敬念

列聖御極之初蠲免積逋覃敷闡澤俾人安樂利戶免

追呼共享昇平之福誠以民為邦本厚民生正所以

培元氣也當茲建元肇始之時宜行體元長人之政

自道光十五年二十五年兩次欽奉

皇考宣宗成皇帝恩旨將二十年以前各省民欠錢糧

盡予豁免後自二十一年迄今又屆十稔民間續有

積欠允宜大沛恩綸期與溥海羣黎同躋仁壽所有各省節年民欠正耗錢糧及因災緩徵帶徵銀穀並借給籽種口糧牛具及漕項蘆課學租雜稅等項即著各該督撫將軍府尹等將道光三十年以前實欠在民者詳細查明按照該省所屬之某州某縣銀穀若干速行開單具奏候朕以次降旨全行豁免並著先將此旨刊刻謄黃徧行曉諭務使城市鄉村遐陬僻壤咸喻朝廷德意毋使官吏胥役等延擱侵漁致滋弊竇庶吾民休養生息慶洽綏豐用示朕先春布

德以仰副

皇考三十年子惠元元申錫無疆至意該部即遵諭行

欽此 查此次各省應蠲民欠欽奉諭旨凡實欠應蠲總以欠數已入奏銷為準其道光三十年正賦此時尚未奏銷不得謂之積欠等因欽遵在案內除廣西一省民欠錢糧該撫另摺奏報豁免截至道光三十年止

此外各省民欠俱遵旨照例截至道光二十九年止今將覆准各省豁款纂輯八例以備稽考謹按雲南省並無稽欠四川陝西二省未據該督撫奏報甘肅省民欠未完原案因咸豐九年臣部存卷被焚行令該省補錄俟補錄到日再行續纂盛京節年民欠銀拾陸萬貳千捌拾伍兩零米參萬壹千陸百玖拾捌石零奉天省節年民欠並緩徵帶徵銀參萬壹千叁百伍拾兩零米豆壹

同治三年校刊

戶部具例卷三

三

萬捌千玖百捌拾肆石零 吉林三姓官莊
 壯丁因災未完帶徵銀陸拾玖兩零口糧並
 公義二倉穀陸千捌百玖拾叁石零 直隸
 省節年民欠並緩徵帶徵銀壹百叁拾萬叁
 千肆百叁拾肆兩零米穀糧豆壹拾貳萬柒
 千柒百玖拾玖石零草玖百肆拾柒束零旗
 租銀肆拾萬壹千叁百陸拾玖兩零屯莊穀
 柒百玖拾玖石零 山東省節年民欠並緩
 徵銀叁百零伍萬玖千陸百兩零穀捌千伍
 百玖拾伍石零 山西省節年民欠並緩徵
 銀貳萬叁千陸百伍拾貳兩零糧壹拾壹萬
 柒千陸拾陸石零旗租銀叁萬玖千肆百柒
 拾兩零 河南省節年民欠並緩徵帶徵銀
 陸百零捌萬肆千貳百捌拾柒兩零米穀豆
 肆拾陸萬肆千貳百貳拾捌石零 江西省
 節年民欠並緩徵帶徵銀壹百叁拾柒萬叁
 千叁百伍拾兩零米叁拾伍萬伍千捌百貳
 拾叁石零 福建省節年民欠銀陸萬肆千

柒百肆拾壹兩零米穀壹拾捌萬壹百貳拾
 陸石零 浙江省節年民欠並緩徵帶徵銀
 肆百壹拾貳萬柒千肆百零肆兩零錢壹萬
 玖千叁百零肆千零米穀壹百玖拾貳萬叁
 千叁百陸拾玖石零 湖北省節年民欠並
 緩徵銀肆百貳拾伍萬柒千零叁拾貳兩零
 米穀捌拾壹萬叁千陸百貳拾伍石零 湖
 南省節年民欠並緩徵銀叁拾柒萬叁千叁
 百伍拾貳兩零 廣東省節年民欠銀壹萬
 柒千零肆兩零米伍萬伍千伍百陸拾陸石
 零 廣西省節年民欠銀貳拾壹萬伍千柒
 百零叁兩零米穀貳萬玖千伍百柒拾玖石
 零 貴州省帶徵銀壹百肆拾捌兩零米叁
 拾捌石零以上均奉 恩旨全行豁免
 再江南省江甯藩司所屬道光二十四年以
 前請豁未結蘆課正耗等銀貳拾伍萬壹千
 叁百壹兩零道光二十七年以前未完地丁
 南屯蘆課等銀貳百陸拾伍萬柒千肆百叁

同治三年校刊

戶部員例卷三

三

拾陸兩零米豆拾玖萬壹千捌百叁拾柒石
 零 安徽藩司所屬道光二十年以前請豁
 未結地丁蘆課等銀叁百伍拾伍萬玖千貳
 百玖兩零米麥拾叁萬肆千貳百肆拾捌石
 零道光三十年以前災緩未完地丁蘆課等
 銀叁百陸拾貳萬陸千陸百叁拾捌兩零米
 麥拾肆萬肆千壹百肆拾伍石零 蘇州藩
 司所屬道光三十年以前請豁未結地丁蘆
 課等銀叁百肆拾捌萬肆千柒百玖拾肆兩
 零米豆叁拾壹萬叁千陸百玖拾捌石零道
 光三十年以前未完地丁蘆課攤補等銀叁
 拾陸萬玖千壹百陸兩零因該省造冊未清
 往返駁查續於咸豐三年軍務倥傯地方大
 吏礙難查辦以致延未題豁經臣部於同治
 三年七月奏奉 諭旨一概
 豁免當即行知該省遵照在案

同治元年六月奉

上諭戶部奏遵議直隸河南民欠漕項請予豁免一
 摺直隸河南省咸豐九年以前民欠漕糧雜項前
 經文煜鄭元善先後奏請豁免當交戶部議奏茲
 據奏稱覈與辦過成案相符所有咸豐九年以前
 直隸等省民欠出借倉糧籽種口糧牛具漕項葦
 課學租雜稅等項准其隨同錢糧一律豁免即著
 文煜鄭元善查明實在民欠之項查照辦理毋任
 少有弊混其因災緩徵九年以前漕糧並民欠未
 完常漕倉穀著一併豁免以紓民力該撫即刊刻

膳黃徧行曉諭務使實惠均霑毋任吏胥舞弊用副朝廷軫念民依至意餘依議欽此

一凡恭逢

恩詔奏免積欠及內外臣工奏懇

加恩蠲免歷年積欠欽奉

諭旨交議者卽遵照歷屆成案將五年以前實欠在民丁漕正耗蘆課學租牙雜當稅以及出借倉糧籽種牛具等項悉予豁免仍以已入奏銷之數爲斷由各該督撫將歷年實欠在民

若干緩徵若干詳細查明據實奏豁

恩免積欠

乾隆五十九年奉

旨吉林刨挖人參向來刨夫等出山時於定例交官之外所得餘參准其自行變賣俾資餬口是該夫丁等已可藉沾餘潤何至動輒需借逋負纍纍本應按數著追第念此事究由該將軍等辦理不善所致且歷年既久其中逃亡事故者不少而該夫丁等本係游民所欠銀數過多力難完交所有五十八年以前夫欠銀拾陸萬叁千餘兩著加恩普行豁免並著該將

戶部具例卷八十三
六十三
軍等曉諭各夫丁此係格外恩施伊等雖屬小民亦當具有天良倍加感奮嗣後進山務宜盡力刨挖毋得藉詞憚遠拖延官項如敢仍前疲玩必當從重治罪該將軍等仍宜隨時稽查分別勸懲毋任再有拖欠致滋弊端至該處參務廢弛已久經此番查辦之後亟須實力整頓妥協辦理新任將軍寶琳人尙老成向來辦事亦屬認真但於參務究係生手秀林曾任吏部司員擢任副都統尙能辦事現在查辦此案一切利弊又所深悉將來參務事宜著責成秀林會同妥辦以期日有起色不得仍似從前觀望因循以副委任餘依議欽此

乾隆六十年奉

上諭蘇凌阿等奏徐州淮安海州等處所有民堰堤工前經動借司庫銀兩給辦現在查明尙有未經徵完之項均係實欠在民等語徐州淮安海州等屬所有民堰及水利河道等工借動司庫銀兩本應按年攤徵第念碭山等州縣係屬積歉之區節年因災停緩尙有未經徵完之項其實欠在民銀壹拾萬壹千肆

戶部員例卷八十三
百伍拾伍兩零俱著加恩寬免以示厪念災區復加
軫惜至意欽此

乾隆六十年奉

上諭前因寬免蕭縣未完河工攤徵銀兩一案降旨該
督撫再行確查概予寬免今據蘇凌阿等奏查乾隆
五十九年並六十年分尙有山陽安東鹽城寶應碭
山銅山睢甯邳州宿遷沛縣等十州縣未完攤徵水
利河道堤埝各工銀兩與蕭縣事同一轍又碭山蕭
縣銅山睢甯邳州宿遷等六州縣攤徵續修王平庄

埽壩工程及安東縣攤徵民便河塘河等項銀兩應
於六十一二二三等年帶徵現在雖未屆期但同係五
十八年以前借帑之款等語此等借帑攤徵之款雖
與因災積欠地丁等項不同但均在五十八年恩旨
以前且與蕭縣業經豁免之銀事同一例所有山陽
等十州縣未完銀柒萬叁千貳百餘兩及碭山等七
州縣尙未屆徵銀陸萬壹千貳百餘兩並著加恩概
予寬免以示朕軫念民依一視同仁有加無已至意

欽此

乾隆六十年奉

上諭據全德奏兩浙各縣場積欠竈課及因災緩徵等銀共陸萬玖千貳百玖拾貳兩均係實欠在竈等語前經降旨普免天下積欠錢糧場竈積欠與民戶本無區別所有兩浙積欠竈課及因災緩徵其銀陸萬玖千貳百玖拾貳兩並著一體加恩豁免以示朕一視同仁至意欽此

乾隆六十年奉

上諭徵瑞奏長蘆所屬並無積欠惟竈戶因災帶緩未完課銀共伍千貳百壹兩零等語前經降旨將各省錢糧積欠並兩浙積欠竈課及因災緩徵等項俱經普行豁免今長蘆竈戶未完五十七五十九等年因災緩帶銀伍千貳百壹兩玖分貳釐並著加恩一體豁免以示朕恩加無已至意欽此

乾隆六十年奉

上諭據蘇楞額奏兩淮各場緩徵折價銀並借給口糧應徵穀價銀共柒萬玖千壹百伍拾兩零均係因災遞緩之項等語前經降旨普免天下積欠錢糧場竈

戶部則例卷之三
積欠與民戶無別所有兩淮應徵緩徵折價及借給
口糧穀價銀柒萬玖千壹百伍拾兩零並著加恩一
體豁免以示朕施惠推恩有加無已至意欽此

乾隆六十年奉

上諭前經降旨將各省節年民欠普行豁免令各督撫
查明具奏茲據福康安等奏滇省錢糧並無民欠惟
銅廠積年各戶共欠銀肆拾玖萬柒千柒百餘兩等
語此項銅廠欠款固不在錢糧民欠之例但該爐戶
人等食力營生與齊民無異此次特沛殊恩將小民
積欠廓然一清共遂含哺之樂所有雲南銅廠各爐
戶人等積年長支欠銀肆拾玖萬柒千柒百肆兩零
亦著加恩一體豁免以示逾格推恩至意欽此

咸豐五年奉

上諭朕惟愛民實政薄斂爲先近年以來軍務河工民
生重困朕不惜蠲租發帑加惠黎元猶恐苛累之條
蠲除未盡因念河南省有河工加價一款每年應徵
銀肆拾餘萬兩係從前馬營儀封漳沁等工用過土
方各項加價在於地糧內按限攤徵之款與錢漕正

項本屬不同參拾餘年積欠纍纍該省賦額甲於天下連年兵燹水災差徭繁重而正供之外復有此項攤徵朕軫念閭閻豈忍令其久爲民累所有此項河南省每年應徵河工加價等銀著自本年爲始加恩豁免永不攤徵俾小民得以專完正課如有本年已徵在官者著該撫查明抵作今年正賦至歷年積欠攤徵銀兩昨諭戶部查明道光貳拾年以前業經豁免外其自道光貳拾壹年起至道光貳拾玖年共未完銀貳百肆拾柒萬陸千貳百玖拾陸兩零水係查

辦豁免之項尙未據該撫奏到自道光參拾年起至咸豐肆年共未完銀壹百柒拾伍萬陸千肆百貳拾捌兩零係應行催追之款著一併加恩豁免此係朕博訪周諮久欲加恩該省者特以莠民恃眾抗違不知自愛未便遽頒曠典轉啟刁風今河北頑梗之徒均已伏法其良民被累者皆耕鑿相安輸將日形踴躍正宜恩膏特沛咸與維新該省士民經此次加恩之後錢漕丁耗止輸惟正之供民力旣紓國課不難早納如有不肖官吏仍敢浮收勒派影射冒徵或架

戶部則例卷三十一
七
驚匪徒把持煽惑者朕惟執法嚴懲決不姑息該撫
卽刊刻謄黃徧行曉諭務使城鄉村堡一律周知用
副朕念切民依恩施格外至意該部卽遵諭行欽此
同治十二年正月奉

上諭李鴻章奏請豁免積欠旗租一摺各省民欠錢
糧業經於上年九月間恩詔內分別豁免惟直民
佃旗地完納官租與民糧事同一律近年災患頻
仍佃種旗地之民亦甚困苦著加恩將直隸各州
縣同治六年以前實在民欠各項旗租並各案補

徵銀兩一體豁免以紓民力餘著照所議辦理該
部知道欽此

蠲免錢糧

同治三年奉

上諭戶部奏蠲免錢糧已輸在官准流抵次年應完正賦則例所載防弊本極周詳無如各州縣積習相沿機詐百出或停擱蠲免詔旨先期催追或藉無流抵明文闌入私橐卽或業戶中偶請示遵而官吏胥差互相聯絡游詞飾說巧爲欺朦倚勢作威肆其侵蝕故遇免徵之年追呼不已已輸之賦扣抵無期是以歷屆蠲免難霑實惠卽如本年肆

月蠲免江屬諭旨有流抵字樣正月初貳日蠲免蘇屬諭旨無流抵字樣載與不載厥例維均恐小民無知或啟猜疑之竇官吏藉端影射巧索強取請申明定例嚴防弊端等語向來蠲免省分其全年蠲免先期輸官者准其流抵次年應完正賦其餘應蠲免分數亦准下年扣抵立法至周乃近來不肖官吏因緣爲奸致小民踴躍輸將反飽貪殘囊橐上行其惠下屯其膏喪心昧良莫此爲甚嗣後各省官吏如再有隱匿騰黃朦混流抵各項弊端著各該省督撫大吏查明嚴叅按照侵盜錢糧律治罪並著刊刻騰黃徧行曉諭以後遇有蠲免年分著永遠將此旨一併刊刻宣示仍著戶部查明從前例案通行各直省以期實惠及民無資中飽將此通諭知之欽此

戶部則例卷三

三

